



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Thomæ Tamburini Societatis Jesu Siculi  
Caltasinettensis, In ... Universitate Messanensi Theologiæ  
Primarii Professoris, Tractatus Quinque In Quinque  
Ecclesiæ Præcepta**

**Tamburini, Tommaso**

**Dilingæ, 1697**

Caput IV.

**urn:nbn:de:hbz:466:1-40032**

*Non communicans in Paschate,  
an sit suspectus de heresi?*

24. **E**sse suspectum, putat Sancta-  
tellus, quem citat, sequitur  
que Diana par. 4. tr. 8. resol. 38. Non  
esse censet Penna cum Farinacio queſt.  
178. num. 29. Mibi placet distinctio  
Bordonii cap. 21. in trib. num. 50. non  
esse suspectum absolucē: sed si moneat-  
ur ab Episcopo, & tamen non recipiat  
communionem; tunc lānē contrahere  
ſuspicionem hæresis: quia tunc præſu-  
mitur, à communī fidelium vita rece-  
dere, vel Ecclesiæ præceptum negare,  
ſeu parvi facere, vel ejusdem Ecclesiæ  
potestatem imponendi præcepta dene-  
gare: quæ certè ante monitionem præ-  
sumere non debemus, cùm ſolū ne-  
gligentiam palmarem ſuæ ſalutis, ſicut  
in ſimilibus aliis peccatoribus, tunc  
ſolū notare debemus, & non aliud.

25. Quod dicimus de Communi-  
one, dic ſub eadem diſtinzione de non  
ſuscipiente Sacramentum Pœnitentia-  
femel in anno, ut idem Bordonus no-  
tat ibidem.

#### CAPUT IV.

*Ubi communicandum, & à quo  
in Paschate?*

1. **N**ullum invenio in Sacris Cano-  
nibus præceptum, ut quis Pa-  
ſchalem Communionem peragat in Ec-  
clesia Parochiali: ſolū enim in cap.  
*Omnis utriusque ſexus*, imponitur, eſte  
Communionem ſuscipiendam à mani-  
bus ſui Sacerdotis, hoc eſt, ſui Paſto-

ris. Quare hæc duo, communicare  
in Parochia, & communicare ex mani-  
bus ſui Parochi, quamvis ſoleamus pro  
eodem accipere; tamen in rigore ſatis  
diverſa ſunt: hoc enim præceptum eſt,  
illud non item. Unde fit, ut ſi com-  
munices è manibus tui Paſtoris in alie-  
na Ecclesia, ſatisfacias præcepto: ut  
contra, ſi in Ecclesia Parochiali, te-  
non è manibus tui Parochi, nec ejus  
delegati, præcepto non ſatisfacis.

*Quo peccato quis peccet, non  
communicando in Parochia?*

2. **I**nquires primò, peccatè morta-  
liter, qui communicat quidem  
in Paſchate, ſed non in Parochia, ſeu  
quod idem eſte diximus in hoc trac-  
tatu, non à manibus ſui Parochi?

Repondeo affirmativè: per ſe lo-  
quendo, quia non ſervat, quod gra-  
vissimè jubetur *in d. c. Omnis*.

3. Dixi (per ſe loquendo) nam  
puto, eum, qui paratus eſt luum Paſto-  
chum recognoscere, & forte in anno  
pluries recognovit, communicando in  
ſua Parochia, non irrogare injuriam  
gravem ſuo Parochio, ſi femel, aut ite-  
rum, quamvis fine cauſa, ſe subtrahat  
à jurisdictione Parochi, & communi-  
cat in aliena parochia; hinc enim, ha-  
bere etiam locum parvitatem materie  
putandum eſt.

*An ſervetur hoc Præceptum ab  
omnibus in Cathedrals?*

4. **I**nquires ſecundò. An in Ca-  
thedrali poſſint omnes, qui ſunt de  
Diocesi, implere præceptum, ibi com-  
municando?

Re-

Respondeo; posse: quia ibi resideret Episcopus, qui est totius Dioecesis commune caput, & pastor. Ita Diana par. 11. tratt. 7. resolnt. 28. ubi de Magistro Capellano, qui ordinarius Parochus est in Cathedrali Panormitana. Unde si idem Diana p. 9. tr. 9. resol. 64. contrarium docuerat; videtur, vel mutasse sententiam, vel significare voluisse, utrumque esse probabile. Ita etiam Bonacina de Euchar. disputatione. sed. 7. num. 11. punt. 11. in mea editione Venetis Anno 1639. sentit cum mea sententia. Quare cum Leander tratt. 7. disp. 3. quest. 15. affert Bonacinam, contrarium sentientem; credendum est, in postrema editione cum sententiam mutasse, necumque sensisse: Editio enim mea, ut appetat in frontispicio operis, dicitur esse novissima.

5. Quidquid igitur dicat Delgadillo cap. 2. de Euch. n. 109. qui dum cum communi concedit, Episcopum (ut etiam ex Guar. de Euch. disp. 27. sect. 2. ejus Vicarium Generalem, ex vi solius Vicariatus Generalis) posse date licentiam communicandi alibi à propria parochia; deinde (necesse, an consequenter) dicit, Episcopum pro Cathedrali, in qua ipse Episcopus resideret, non dare legitimum consensum, ibi communicandi. Nos ergo probabilius, & magis consequenter pro omnibus suis Dioecesis posse, existimamus.

.....

Ubi communicare debent Peregrini?

6. Inquires tertio. Vagi, Peregrini, & Advenae ubinam satisfaciene huic precepto?

Respondeo, ubilibet; nec solum in Cathedrali civitatis, ubi forte tempore Paschali invenirentur. Ratio est, quia saltem pro his adest tacita sui Parochi, vel Summi Pontificis licentia. Idem dic de quibuscumque legitimè impeditis: idemque, si Parochus, vel per negligentiam suum ministerium negligit, vel licentiam, alibi communicandi, per malitiam negat.

7. Dixi (posse) nam invenio apud Gobat de Comm. casu 5. hanc doctrinam: nunquid, ait, tenentur advenae alicubi tunc communicare, si nequeant commodè domum redire? Respondeo; Auctores, quos legi, solum dicunt, eos posse: nullus autem dicit, debere extra suam Parochiam communicare. Hæc ille, apud quem sit hujus doctrinæ fides. Ego enim illam approbare non audeo: quia fortasse non raro eveniret, ut aliquis negotiorum causa per multos annos peregrinus esset, vel advena in locis à sua patria distantibus, & non communicaret: ut interim aliæ rationes prætermittantur.

An quilibet implere possit hoc  
Preceptum apud Religiosos?

8. Inquires quartò. Si in templis Religiosorum quis tempore Paschali communicet, satisfaciene precepto, sumendo Eucharistiam à manibus alicuius ex Religiosis? (Dixi tempore

TRVRIN

CLPRACOF

MARRI

EL

E III

50:6:

re Paschali) nam intra annum ex devotione, dicemus cap. 6.

9. Tres sunt hac de re sententiae. Prima, quam sequitur cum multis Fagadez apud Leandrum, mox citantum, negat in his Ecclesiis satisficeri præcepto.

10. Secunda concedit limitatè; addit enim apud mendicantes, & eorum privilegia participantes, satisficeri quidem præcepto, ibi in cæteris diebus Paschalibus, sed non ipso die Resurrectionis: quia Pontifex ob quandam solemnitatem exceptit diem illum, & parochis pro satisfactione præcepti illum relinquit: quare si ipso die Resurrectionis velis satisfacere præcepto, debes per hanc secundam sententiam in Parochia, in aliis autem diebus paschalibus posse apud Religiosos. Dixi (pro satisfactione præcepti) quidem ex devotione non adest hæc exceptio pro eo, qui vel antea satisfecit, vel postea satisfaciet in parochia. In hanc secundam sententiam cum hac limitatione inclinat Diana part. 9. tr. 9. diff. 27.

11. Tertia docet universaliter, etiam mentionem faciens, & includens ipsum diem Dominicum Paschatis, posse satisficeri præcepto apud prædictos Religiosos, quia abolutè, & sine restrictione Paschatis id concessere Pontifices. Lege Pellizzarium in Man. tom. 2. tr. 8. q. 8. & Leander tr. 7. diff. 3. q. 19. id probabile existimantem, licet contrarium dicat, esse probabilius. Legem item Delgadillo de Eveh. c. 1. n. 18. hanc sententiam abolutè amplectentem, nulla mentione facta prædictæ exceptionis diei Resurrectionis.

12. De quadam declaratione Card. contra prædicta, quam aliás ego putavi, vel non esse universalem, vel non authenticam, lege Dian. p. 11. tr. 7. q. 1.

Ex his tribus sententiis, prima est consulenda omnino, reliquas suis defensoribus relinquamus.

13. Subinquires: Prædicti Religiosi possuntne legitimè Eucharistiam ministrare in Paschate, ut etiam in articulo mortis, familiaribus, seu famulis suis?

14. Respondeo. Famulos serventes, auctoritate Prælati, aut officium conventus, ipsi Monasterio, aut etiam servientes alicui Religioso, non ad hujus libitum assumptos, sed Prælati, utique posse, sic concedentibus multis Pontificum privilegiis, quotidianis à Rodriquez in comp. scđ. 63. num. 1. & de Lugo lib. 4. resp. mor. dub. 33. Delgadillo cap. 2. de Eveh. num. 422. qui ultimus addit ex Portell. idem esse sentendum de famulis conjugatis, quamvis nocte dormiant extra conventum: hi enim etiam sunt communes religiosorum, & intra eorum septa moraliter commorari existimantur; nam famuli omnino extra dicta septa, ac domos, die, ac nocte commorantes, quamvis antea fortè in hoc privilegio comprehendenderentur, hodie excluduntur à Trid. scđ. 24. cap. 11.

15. Nobis ex Societ. privilegium hoc, quo diximus, hodie alios mendicantes frui, Pater noster Generalis sic restringit in compendio privilegiorum v. familiares 9. 2. Hec facultas conceditur Superioribus, & quibus ipsi commiserint.

An

An oporteat in interdicto loca-  
li generali communicare in  
Paschate?

16. Inquires quinto; Quid sentient  
dum de eo, qui est in loco Inter-  
dicti Generalis localis? Respon-  
do antequam huic qua siro satisfaciem,  
primitenda est concessio Bonifacij  
VIII. & Martini V. quia mitigatur ri-  
gor talis Interdicti, per quod inter alia  
prohibetur sumptio Eucharistiae, excep-  
to a moribundis; mitigatur, inquam,  
ita ut in diebus festis Resurrectionis,  
Pentecostes, Natalis Domini, Assump-  
tionis Beatae Virginis, festoque Cor-  
poris Christi cum terra ejus octava cele-  
brentur divina officia, etiam publice,  
ac si tale Interdictum non esset sub ea  
lege; ut qui causam Interdicto dede-  
runt, non appropinquent ad Altare:  
nomine autem festi Resurrectionis, &  
Pentecostes probabiliter intelliguntur  
etiam duo dies sequentes, & nomine  
Natalis Domini tres sequentes dies;  
pertinent enim hi ad eandem solemnitatem.

17. Hac concessione supposita,  
quaritur de tract. de interdicto. An il-  
lis, qui interdicto locali causam, non  
dederunt, concedatur in diebus prædi-  
cis communio? Mihi videtur conces-  
si, & non concedi, esse probabile:  
quia verba Bonifacij hæc sunt. Inter-  
dicto qui non dederunt causam, admit-  
tantur ad participationem divinorum.  
Quoniam igitur illud (participatio di-  
vinorum) significare potest, ijs conce-  
di communionem: & significare po-  
test, solum concedi commercium di-

Tambur.de Precept. Eccles.

vinorum officiorum dumtaxat exter-  
num; ideo dixi utrumque esse pro-  
bable.

18. Respondeo, nunc ad questio-  
nem præpositam: esse probabile, Fi-  
deles illos, interdicti tempore, non  
obligari in Paschate communicare:  
quia probabile est, tunc non esse con-  
cessam communionem: & item pro-  
bable esse obligari: quia probabile  
est, ablatam fuisse pro illis diebus Pa-  
schatis prohibitionem. Sequere igi-  
tut, quod mavis: hoc posterius appro-  
bat Leander cum alijs tr. 7. q. 3. tr. 13.  
Illud prius Sylvest. Sotus, aliquae ab eo  
dem citati.

## CAPUT V.

Quando, & quoties commu-  
nicandum ex devotione?

1. **Q**uiamvis ex præcepto Ecclesiæ  
semel in Paschate sit commu-  
nicandum, ut modò vidimus; tamen  
ex devotione, licet saepius, & aliquan-  
do quolibet die, ut infra explicabimus.  
Ergone etiam in die Paralceves, hoc est,  
die Veneris sancto? Dico etiam tunc;  
nam licet eo die non celebretur, non  
tamen prohibetur sacra communio ex  
antea præconsecratis. Quod si Barbo-  
sa de Parochis num. 16. testatur à sacra  
Congreg. anno 1612. declaratum fuisse,  
non licere, nisi infirmis; & certè  
communis praxis ita apud nos servet;  
id tamen, ajo, esse ex quadam con-  
gruentia ob lucrum memorie mortis  
Christi Domini: de illa autem Con-  
gregationis declaratione non consta-

Ecc

re

in bibliothek

IBVRIN  
in  
CIPRACEOFF  
VARRE'S  
E II  
3016: